

Sarajevo, 14-11-2025

Broj: 43-04-4-36843-4

Na osnovu Zakona o javnim nabavkama, člana 48. Statuta Kliničkog centra Univerziteta u Sarajevu, Pravilnika o javnim nabavkama Kliničkog centra Univerziteta u Sarajevu, na prijedlog Komisije za javne nabavke a prema Izvještaju o radu Komsije, Zapisniku o pregledu i ocjeni ponuda i Zapisniku o pregledu i ocjeni ponuda e-aukcija, koje čine sastavni dio ove odluke, Generalni direktor donosi:

ODLUKU

o rezultatima okončanog otvorenog postupka javne nabavke a koji se odnosi na javnu nabavku

„Medicinska sredstva za potrebe KCUS-a I/58/2025-B – ekstraktori kamena, set za satnu diurezu i uretralni pristup omotač“

I

Prihvata se preporuka o izboru najpovoljnijeg ponuđača Komisije za javne nabavke i okvirni sporazumi za nabavku „ **Medicinska sredstva za potrebe KCUS-a I/58/2025-B – ekstraktori kamena, set za satnu diurezu i uretralni pristup omotač** “ - poništi u skladu sa članom 69. stav 2 tačka d), nijedna od primljenih ponuda nije prihvatljiva za LOT 1 i LOT 3. Postupak za LOT 2 se poništava u skladu sa članom 69. stav 2 tačka a) nije dostavljena niti jedna ponuda.

II

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Stav 2. Zakona o javnim nabavkama.

OBRAZLOŽENJE

Javno otvaranje ponuda održano je dana 28.10.2025. godine u 12:00 sati u sali za sastanke na lokaciji Objekat Tehničkog sektora (C9) Bolnička br.25. uz prisustvo članova Komisije, sekretara Komisije i referenta protokola (Jasmina Garaplija). Javnom otvaranju ponuda nije prisustvovao niko od predstavnika ponuđača.

Komisija je konstatovala da su ponude blagovremene, uredno obilježene i ovjerene od strane ponuđača, te je istu prilikom preuzimanja od strane referenta protokola obilježila rednim brojem od 1 do 2.

Komisija je u prisustvu referenta protokola, izvršila otvaranje ponuda, a budući da su iste uvezane i osigurane jemstvenikom radi zaštite od eventualnih zloupotreba, Komisija je izvršila potpisivanje i ovjeru

prve i posljednje stranice ponuda, kao i potpisivanje i ovjeru koverti u kojima su ponude dostavljene. U skladu sa Članom 8. Pravilnika o uspostavljanju i radu Komisije za nabavke (Sl.glasnik BiH br.103/14) Komisija je sačinila Zapisnik sa otvaranja ponuda u koji su uneseni slijedeći podaci: Broj protokola ponude, naziv ponuđača i ukupna vrijednost ponuda bez PDV-a.

Zapisnik sa otvaranja ponuda je protokolisan pod br. 73-33-4-36843-1 od 28.10.2025. i u zakonskom roku, putem faxes dostavljen ponuđačima učesnicima postupka javne nabavke.

1	10-11-3-36757	MEDICAL PARTNERS d.o.o.	28.10.2025.; 08:11
2	10-11-3-36790	RAUCHE MEDICAL d.o.o.	28.10.2025.; 09:30

Komisija je detaljnom analizom pregledala dostavljene ponude, ocijenila formalnu, pravnu i suštinsku valjanost istih, polazeći od zahtjeva tenderske dokumentacije koje je Ugovorni organ naveo u pozivu, a koje su ponuđači bili dužni ispuniti kako bi stekli uslove za dalju kvalifikaciju u javnom nadmetanju.

PONUDE KOJE NISU PRIHVAĆENE ZA DALJNJU ANALIZU I EVALUACIJU:

1	10-11-3-36757	MEDICAL PARTNERS d.o.o.	28.10.2025.; 08:11
2	10-11-3-36790	RAUCHE MEDICAL d.o.o.	28.10.2025.; 09:30

Razlozi i obrazloženje za ponude koje nisu prihvaćene

MEDICAL PARTNERS d.o.o.

LOT 1 - Ekstraktori kamena

Obrazloženje:

Na ANEX-u 3 za LOT 1 kandidovanom od strane sektora naručioca tj. Kliničke apoteke napravljena je greška, radi se o sljedećem:

ANEX 3 za LOT 1 obuhvata dvije stavke i jedna zbirnu količinu, analizom navedenog ANEX-a konstatovano je da je ponuđačima data mogućnost da za svaku stavku navedu jediničnu cijenu sa i bez PDV-a, kao i ukupne iznose sa i bez PDV-a.

Obzirom da je kandidovana zbirna količina, ANEX 3 u dijelu koji se odnosi na jedinične cijene i ukupne iznose je trebalo prilagoditi na način da se može navesti samo jedna jedinična cijena, odnosno jedan ukupan iznos.

Tenderskom dokumentacijom ponuđač je dužan da popuni u cjelosti ANEX 3 što je i učinio.

Od strane ponuđača MEDICAL PARTNERS d.o.o. dostavljena je izjava u kojoj je navedeno da je potrebna količina podjeljena ravnomjerno na obadvije stavke (po 20 komada). Od strane Komisije navedena Izjava nije prihvaćena iz razloga što ista mijenja ANEX 3 što je neprihvatljivo, a i takav način podjele nije prihvatljiv za krajnjeg korisnika.

Obrazloženje:

Obzirom da se u ovoj fazi ne može mijenjati ANEX 3 niti u jednom dijelu u odnosu kako je objavljeno na portal javnih nabavki, a da ANEX 3 za LOT 1 nije napravljen na način da ponuđači mogu ispravno dati svoju ponudu u skladu sa traženom količinom u dijelu cijena isti će biti poništen.

RAUCHE MEDICAL d.o.o.

LOT 3 - Set za satnu diurezu

U skladu s Tenderskom dokumentacijom:

4 .USLOVI ZA KVALIFIKACIJU

4.4. Ostali uslovi za kvalifikaciju

c) Ponuđač je obavezan dostaviti uz Anex 3, katalog (ili izvod iz kataloga) i tehnički list sa jasno označenim traženim dokazima za ponuđeno medicinsko sredstvo, ovjerene od strane proizvođača (oba dokumenta trebaju biti ovjerena i dostavljena u originalu). Katalog (ili izvod iz kataloga) i tehnički list je potrebno dostaviti i na jednom od službenih jezika BiH, bez ovjere sudskog prevodioca/tumača. Ponuđači su dužni dostaviti izjavu kojom potvrđuju da je dostavljena dokumentacija vjerodostojna. Izjava se daje u slobodnoj formi na memorandumu ponuđača sa potpisom odgovornog lica.

Obrazloženje:

Dokumentacija ponuđača RAUCHE MEDICAL d.o.o. je u cijelosti dostavljena, tražene potvrde, DC certifikat, Tehnički list i Izvod iz kataloga. Detaljnom analizom dostavljene dokumentacije utvrđeno je da Tehnički list i Izvod iz kataloga ne sadrže pečat proizvođača, već je dostavljena Izjava proizvođača o vjerodostojnosti dostavljenih dokumenata kao i Izjava ponuđača o vjerodostojnosti iste, na vlastitom memorandumu. S obzirom da su Tenderskom dokumentacijom zahtjevani i ovjera od strane proizvođača i Izjava ponuđača, ponuda ponuđača RAUCHE MEDICAL d.o.o. je neprihvatljiva.

E-AUKCIJA

- Imajući u vidu činjenicu da je za ovaj postupak javne nabavke planirano provođenje e-aukcije u skladu sa Tenderskom dokumentacijom i Pravilnikom o uslovima i načinu korištenja e-aukcije, Komisija nije mogla zakazati E – aukciju, jer nije dostavljen dovoljan broj odgovarajućih/prihvatljivih ponuda.
U skladu sa članom 3 stav 3 Pravilnikom o uslovu i načinu korištenja E- aukcije („Sl.glasnik BiH“, broj 66), E- aukcija se ne može zakazati.

LOT-ovi ZA KOJE NITI JEDNA DOSTAVLJENA PONUDA NIJE PRIHVAĆENA (ZJN član 69 stav 2 pod d):

LOT 1 - Ekstraktori kamena

LOT 3 - Set za satnu diurezu

LOTOVI ZA KOJE NIJE DOSTAVLJENA NITI JEDNA PONUDA (ZJN član 69 stav 2 pod a):

LOT 2 - Ureteralni pristupni omotač proizvođača Seplou ili ekvivalent

[Handwritten signatures]

Prijedlog Komisije odgovornoj osobi ugovornog organa za donošenje odluke o izboru ili odluke o poništenju, s obrazloženjem:

Komisija jednoglasno daje prijedlog ugovornom organu, da se nakon provedenog konkurentskog postupka, objavljenog na portalu e-Nabavke pod brojem 893-7-1- 432/25 od 17.10.2025. .godine **Okvirni sporazum u trajanju od 24 (dvadeset četiri) mjeseca za „Medicinska sredstva za potrebe KCUS-a I/58/2025-B – ekstraktori kamena, set za satnu diurezu i uretralni pristup omotač“**, poništi u skladu sa članom 69. stav 2 tačka d), nijedna od primljenih ponuda nije prihvatljiva.

Na preporuku Komisije imenovane za predmetni postupak javne nabavke donijeta je Odluka kao u dispozitivu.

GENERALNI DIREKTOR

Prim.doc.dr.sc.med. Alen Pilav



PRAVNA POUKA:

Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama BiH („Službeni glasnik BiH“, broj 39/14, 59/22) i/ili podzakonskih akata, ima pravo uložiti žalbu ugovornom organu u roku od 10 dana po prijemu Odluke o izboru, shodno Članu 99. i Članu 101. Zakona o javnim nabavkama BiH

Handwritten signatures in blue ink at the bottom left of the page.